

謚

法

通

考

法法通考卷之十七

雲間王 圻籍軒

已郡趙可懷校正

平湖孫成泰 郢中朱一龍

龍江王應麟 西陵吳 化

先聖先賢先儒證

孔子名丘字仲尼其先宋人主魯昌平鄉陬邑仕魯
宰中都虛官司空大司寇攝行相事 漢元始元年
追謚褒成宣尼公 元魏太和十六年謚文聖尼文

唐貞觀十一年尊爲宣尼父 開元二十七年追

謚文宣王 宋大中祥符元年加謚玄聖文宣王五

年以玄字犯聖祖諱改謚至聖文宣王 西夏李仁

孝人慶五年尊爲文宣帝 元大德十一年加號大

成至聖文宣王 皇明嘉靖初尊爲至聖先師孔子

嘉靖九年十一月大學士張璁奏奉 欽定改正祀

典十年禮部勘合通行欽遵自兩京國子監及天下

儒學凡文廟俱撤塑像止用木主先師去大成至聖

文宣王封號題稱至聖先師孔子配享從祀去公侯

伯封號四配題稱復聖顏子宗聖曾子述聖子思子
亞聖孟子十哲及兩廡門弟子題稱先賢某子左丘
明以下題稱先儒某氏凡神位改稱之位大成殿額
改稱先師廟戟門稱文廟之門遵復國初舊制祭
器國子監用十邊十豆天下學用八邊八豆樂舞通
用六佾其四配籩豆六哲廡四仍舊祝文中改惟王
爲惟師樂章中改宣聖爲孔聖惟王爲惟師聖王爲
聖師餘文仍舊兩廡從祀內申黨卽申棖去申黨止
存申棖一位公伯寮秦冉顏何荀況戴聖劉向賈逵

馬融何休王肅王弼杜預吳澄十三人俱罷祀林放
遽瑗鄭衆盧植鄭玄服虔范甯七人各祀于其鄉外
后蒼王通歐陽修胡瑗陸九淵五人俱增入從祀

顏無繇顏子之父元文宗至順三年追封杞國公謚
文裕

周子名惇頤字茂叔道州營道人號濂溪先生以舅
蔭仕終知南康軍寧宗嘉定九年因潼川運判魏了
翁請謚元

程伯子名顥字伯淳河南人號明道先生以進士仕

宗正丞嘉定十三年謚純

程叔子名頤字正叔號伊川先生以荐舉任直秘閣
嘉定十三年謚正

張子名載字子厚長安人號橫渠先生以進士仕崇
文院校書嘉定十四年謚明

初張載之門人欲私謚程子以書問司馬溫公
公荅曰承問及張子厚謚倉卒奉對以漢魏以來
此類甚多無不可者退而思之有所未盡竊惟子
厚平生用心欲率今世之人復三代之禮者也漢

魏以下蓋不足法郊特牲曰古者生無爵死無謚
爵謂大夫以上也檀弓記禮所由失以爲士之有
誅自縣賁父始子厚官比諸侯之大夫則已貴宜
有謚矣然曾子問曰賤不誅貴幼不誅長禮也惟
天子稱天以誅之諸侯相誅猶爲非禮况弟子而
誅其師乎孔子之沒哀公誅之不聞弟子復爲之
謚也君子愛人以禮今關中諸君欲謚子厚而不
合于古禮非子厚之志與其以陳文範陶靖節王
文中子孟貞曜爲比曷若以孔子爲比乎

邵子名雍字堯夫河南人熙寧十年贈秘書省著作
郎元祐中謚康節

楊時字中立南劍將樂人號龜山先生熙寧九年進
士後以荐舉仕龍圖閣直學士紹興中謚文靖

胡安國字康侯崇安人號武夷先生官至中書舍人
謚文定

羅從彥字仲素南劍人號豫章先生淳祐間謚文質
李侗字愿中南劍州劍浦人號延平先生淳祐間謚
文靖

朱子名熹字仲晦徽州婺源人號晦庵又號紫陽以進士仕華文閣待制初謚文忠嘉定二年改謚文

張栻字敬夫廣漢人浚之子號南軒先生以蔭仕右文殿修撰嘉定七年謚宣 衛涇疏曰臣竊仰惟聖

明加惠臣下生有爵秩沒有易名至于勲德節義聲實彰著不以官品亦特命謚其蘊德丘園雖無官爵聽所屬奏賜如邵康節之在元祐徐孝節之在政和官不過學校而特得賜謚者以其學術重于時孝行推于鄉道尊德隆貴視品秩所以崇儒學獎操行勵

風俗也臣竊見故承事郎右文殿修撰張栻魏國忠
獻公浚之子師事南嶽胡氏盡傳伊洛之秘遂以其
道鳴于西南著書立言開迪後進四方士子皆宗師
之至今尊其道德相與私號爲南軒先生官未及謚
其家既不敢自請門人弟子又無通顯于朝者爲之
請士論堙鬱三十餘年臣愚謂宜下太常考其行實
錫以美名使天下後世知儒學節義之貴過于品秩
於以激勵誠非小補

呂祖謙字伯恭金華人夷簡五世孫號東萊先生以

進士官著作郎兼國史院編修嘉定八年謚成

蔡元定字季通建陽人號西山先生贈迪功郎謚文節

陸九齡字子壽撫州金谿人號梭山先生以進士官全州教授寶慶二年特贈朝奉郎直秘閣謚文達

陸九淵字子靜九齡弟號象山先生以進士官將作監謚文安

真德秀字景希浦城人號西山先生以進士官資政殿學士提舉萬壽觀兼侍讀贈銀青光祿大夫謚文

忠

魏了翁字華父邛州蒲江人理宗賜第宅於蘇州遂
爲長洲人講學臨邛白鶴山下號鶴山先生以進士
官資政殿學士通奉大夫贈太師秦國公謚文靖
劉燭字晦伯建陽人號雲莊以進士官權工部尚
書兼太子右庶子光祿大夫謚文簡

李燔字敬子南康建昌人號弘齋以進士官直秘閣
贈直華文閣謚文定

黃幹字直卿閩縣人號勉齋贈朝奉郎謚文肅

蔡沉字仲默元定子號九峯謚文正

何基字子恭金華人謚文定

王柏字會之金華人自號魯齋德祐間謚文憲

袁燾字和叔鄞縣人官寶文閣學士謚正獻

楊簡字敬仲慈谿人官寶謨閣學士謚文元

舒燐字元質一字元賓奉化人官宜州通判謚文靖

沈煥字叔晦定海人官舒州通判贈直華文閣謚端

憲

元金履祥字士見又蘭溪人自號仁山魯齋門人也至

正中謚文安

許謙字益之金華人受業於仁山之門人稱白雲先生至元三年卒謚文懿

皇明薛瑄字德溫山西河津人仕至禮部侍郎直內閣其學主於實踐不爲空言人稱薛夫子天順中謚文清

王文成守仁亦以理學從祀 先聖然謚以事功不專以理學故第列於名臣謚中

隱逸謚

晉范平錢塘人研窮墳典守臨淮有異政太康中召不起卒謚文正先生

張忠字巨和中山人永嘉之亂隱于泰山卒謚安道先生

郭荷字承休畧陽人明究經籍特善史書不應州郡之命卒謚玄德先生

符秦公孫永字子陽襄陽人好學恬靜隱于平郭卒謚崇虛先生

梁劉嶽平原人儒業冠時梁武少嘗師之天監元年

下詔爲嘽立碑謚貞簡先生

庾詵字彥寶新野人聰警篤學爲人犯而不校專掩
匿人過失徵辟不起年七十八卒武帝謚貞節處士
北魏刁冲勃海饒安人有學行不仕卒謚安憲先生
魏質字懷素幽陽人幼篤學通諸經大義後爲亂賊
所害興和二年謚貞烈先生

李謚趙郡人周覽百氏隱居不仕卒年三十二四門
小學博士孔熾等奏其學行詔曰謚屢辭徵辟志守
冲素儒隱之操深足嘉美可遠徬惠康近準玄晏謚

曰貞靜處士并表其間以旌高節

宋徐積山陽人以父名石遇石不踐毋卒置靈几奉養如生時有靈芝甘露之異爲楚州教授除宣德郎監中岳廟卒賜謚節孝先生

葛書思江陰人爲泗州教授監新市鎮欲養父棄官不仕卒贈朝奉郎特謚清孝

林逋杭州人結廬西湖孤山有詩諷封禪之失卒謚和靖先生

王庠榮州人孝宗賜號處士卒謚賢節

劉舉字子厚常州人登進士甲科以無他兄弟獨養其親范祖禹蘇軾荐之終不出崇寧四年卒謚正素先生

劉宰金壇人登進士第遷太常卿知寧國府皆不就理宗嘉其節謚文清

元李俊民澤州人棄官不仕隱于嵩山卒謚莊靖先生

揭來成曼碩之父以邃學篤行見推前輩卒謚貞文先生

梁陟良鄉人金進士入元以名儒徵領燕京編脩卒
謚通獻先生

韓性字明善紹興人博綜經史於儒先性理之說尤
深探其闡域憲府嘗舉爲教官辭不受卒謚莊節先
生

孟夢恂字長文黃岩人泰定時嘗爲本郡學錄以設
策禦寇衛鄉邦有功授宜興判官未受命而卒謚康
靖先生

黃超然黃巖人精于易學自號壽雲謚康敏

杜英字文玉避地河南緱氏山中世祖嘗召見辭歸
天曆中贈資德大夫翰林學士上護軍追封魏國公
謚文獻

黃鎮成邵武人年弱冠慨然以聖賢道學自任學者
號曰存齋先生至正間以壽終謚貞文處士

胡炳文婺源人爲信州書院山長再調蘭溪州學正
隱于雲峯山世號雲峯先生卒謚文通

歷代私謚

春秋黔婁先生私謚康 初黔婁旣卒曾子吊之曰

先生之卒也何以爲謚其妻曰以康爲謚曾子曰先生
生在時食不充口衣不蓋形死則手足不歛旁無酒
肉生不得其美死不得其榮何樂于此而謚爲康其
妻曰昔先生君嘗授之以政以爲國相辭而不受是
有餘貴也君嘗賜之粟三千鍾辭而不受是有餘富
也若先生者甘天下之淡味安天下之卑位不戚戚
于貧賤不欣欣于富貴求仁而得仁求義而得義謚
之曰康不亦宜乎曾子曰唯斯人也而有斯婦

展禽私謚惠 初展禽既卒門人將誄之其妻曰將

誅夫子之德耶則不如妾知之深也乃誅曰夫子之不伐兮夫子之不竭兮夫子之信誠而與人無害兮柔屈從俗不彊察兮蒙耻救民德彌大兮雖遇三黜終不蔽兮豈弟君子永無厲兮嗚呼惜哉乃下世兮庶幾遐年今遂逝兮嗚呼哀哉魂神洩兮夫子之謚宜爲惠兮門人從之以爲誄莫能竄一字

柳下惠爲魯大夫宜有公謚而謚乃出于其妻豈當三黜後不在其位耶

東漢蔡稜即邕之父陳留圉人清白有行私謚貞定

荀靖字叔慈潁川人淑子私謚玄行先生

夏恭字敬公梁國蒙人習韓詩孟氏易門徒千餘人
卒私謚宣明子牙少習家學舉孝廉鄉人私謚文德
懷壽字元考南陽人州縣屢辟不應私謚玄儒先生
王懷常爲潁川太守卒私謚昭定先生

陳寔字仲弓潁川許人太丘長居鄉恂恂有禮教人
化其德私謚文範先生

朱頡南陽宛人暉之子有德行卒子穆與諸儒考依
古誼私謚貞宣先生

朱穆祿仕數十年蔬食布衣家無餘財蔡邕與門人
共述其行私謚文忠先生

張霸字伯饒成都人以學顯嘗為會稽太守又為侍
中卒後將作大匠翟酺等與門人私謚憲文

法真漢郡人為關西大儒四徵不屈私謚玄德先生
楊厚字仲桓廣漢新都人順帝時拜議郎後稱病教
授門人上名錄者至三千餘人卒後私謚文

范丹字史雲陳留人桓帝朝為萊蕪長卒何進移書
陳留太守累行論謚私謚貞節先生

晉宋織字令艾燉煌人隱居不仕人稱爲人中龍年八十卒私謚玄虛先生

索襲字偉祖燉煌人虛靖好學卒私謚玄居先生

陶潛字元亮柴桑人嘗爲彭澤令不肯折腰鄉里小兒解官歸卒于宋元嘉中私謚靖節先生

梁劉峻字孝標平原人博通群書文藻秀出普通三年卒門人私謚玄靖先生

劉歊字士元平原人隱居不仕親故誅其行跡私謚貞節先生

劉訐歆族弟祖孝標稱曰訐超越俗如半天朱霞
歆矯矯出塵如雲中白鶴宗人至友私謚玄貞處士
阮孝緒陳留人博極群書操履介潔私謚文貞處士
蕭眎素南蘭陵人爲諸暨令到縣十餘日縣衣冠于
縣門而去獨居屏事非親戚不得見私謚貞文先生
隋劉焯少與劉炫爲友嘗以造僞書獲罪及卒門人
私謚宣德先生

王通龍門人以孔子自擬門人私謚文中子

唐楊播炎之父高蹈丘園卒私謚玄靖先生

元德秀字紫芝河南人貧而孝私謚文行先生

元延祖洛陽人辟安祿山亂棄官不出私謚大先生

陳融廣陵人不學不仕孝友化人貞元中私謚貞晦

方干字雄飛桐廬人隱居鏡湖長於詩翰私謚玄英

蕭穎士字茂挺梁鄱陽王恢七世孫樂聞人善推引

後進人號蕭夫子崔圓薦授揚州功曹參軍客死汝

南門人私謚文元先生

陸質一名淳字伯冲師事趙啖春秋門人私謚文通

崔元翰日用從昆弟毋喪不仕隱白鹿之陽鄉人私

謚貞文孝父

徐師道字太真會稽人少有志行不干仕進裴行儉辟爲幕賓棄官歸隱私謚文行先生

孟郊字東野武康人登貞元間進士授溧陽尉後爲興元鎮趙餘慶叅謀卒門人私謚貞曜先生

趙元字貞固河間人爲小邑令彈琴蒔藥如隱者操卒其友魏元忠孟詵宋之間崔瑒等私謚昭夷先生賈會京兆人有高節不答辟畧里中號一龍親喪負土成墳又號關中曾子卒私謚廣孝徵君

朱仁執字德容亳州永城人隱居養親孝感赤烏白
鵲巢所居樹卒員半千魏元忠共私謚爲孝友先生
虞九臯字鳴鶴慈谿人登貞元間進士卒於京師一
時名流相與丐柳宗元誄之私謚曰恭肅

宋成同文楚丘人隱居授徒門人私謚堅素先生
賈同字希德臨淄人天聖中累官殿中丞知棣州門
人私謚存道先生

丁明金壇人閉門讀書手編事類百餘卷卒鄉里私
謚博雅先生

蕭楚太和人紹聖間遊太學時蔡氏專國禁春秋學
楚誓不復出仕著經辨四十九篇弟子百餘人趙賜
馮澣胡銓皆師之自號三顧隱客既歿門人私謚清
節先生

曾元忠永豐人大觀間登第累官廣州教授所著有
春秋曆法論語解周易解等書門人私謚文節先生
朱昂南陽人人目爲小萬卷不樂仕進景德中卒鄉
人私謚正裕先生

劉蒙渤海人王安石創新法蒙與議不合退居田里

卒親友及門人私謚正思先生

劉敞字原父袁州人慶曆中舉進士第一歐陽脩稱其博學及卒弟貢父私謚公是先生

劉攽字貢父敞之弟兄弟皆好諧謔素與王荆公善坐是相失卒弟子私謚公非先生

吳鉞龍泉人以行義見推康定中郡守孫沔奏以教授州學部使者薦於朝賜粟帛授將作監主簿卒門人私謚冲和先生

戚如琥浙江人門人私謚貞白先生

楊滙成都人杜門著書人無知者邵伯溫爲部使者
荐其學行甚高節甚苦不報卒學者私謚靜恭先生
朱牧字子文閩縣人第進士死難鄉人稱存以文鳴
沒以節顯私謚文貞先生

林公選字養正閩人性孝謹恬退荐辟不起研思道
理深入漸與學者私謚文隱先生

褚承亮字茂先真定人宣和五年鄉試第一後爲幹
離不所拘策問非宋帝不對而出年七十終門人私
謚玄貞先生

翟汝文字公巽丹陽人紹興中爲參政制誥古雅氣格渾厚近世罕及卒門人私謚忠惠

胡憲崇安人文定公姪朱文公嘗從受學人號籍溪先生卒門人私謚靖簡

林光朝字謙之莆田人登隆興進士官至中書舍人其學專心踐履不爲訓詁南渡後以伊洛之學倡東南與朱晦庵張南軒呂東萊陸象山俱以道學名卒私謚文節

陳藻字元藻福清人家貧篤學得林光朝經學之傳

景定間以門人林希逸請追贈迪功郎私謚文遠先生

黃裕字公裕莆田人通經有名創義齋立五規沒後皇甫泌私謚之曰義成逸士

黃震字東發慈谿人度宗時進士有日抄百卷行世門人私謚文潔先生

陸正行浙江人門人私謚靖獻先生

鄭若老字邦壽長溪人登咸淳進士乞歸養親宋亡不仕學者私謚靖節先生

劉安世安福人舉進士知雩都縣有郡官求羨餘遂不仕遠近受業者踵至楊萬里從而師之安世沒萬里爲制服及葬門人私謚清純先生

饒魯餘千人幼從黃幹游學術精明累荐不起號雙峯卒門人私謚文元先生

徐應鑣江山人德祐時爲太學生元兵入携子女同死于尊經閣同舍生私謚正節先生時有閩人衛富益亦私謚正節先生

劉愚字必明龍游人弱冠入太學有聲受業者甚衆

後棄官歸家丞相余端禮挽之不顧著書自適門人私謚謙靖先生

元李友端郢州人隱居不仕訓誨子弟從者甚衆門人私謚貞隱先生

徐俊德清人至元中累徵不起卒門人私謚安節先生

吳萊浦江人門人私謚淵穎先生

聞人夢吉金華人隱居自樂門人宋濂吳履仁輩私謚凝熙先生

宇文公諒字子貞吳興人通經史百家言弱冠有操
行常官嶺南以疾請老檢飭甚嚴門人私謚純節先
生

陳忠寧晉人陳祐祖博究經史鄉黨皆導師之既沒
門人私謚茂行先生

第五居仁字士安博通經史躬率子弟致力農畝鄉
里高其行義率多化服門人私謚靜安先生

何中字太虛樂安人聚書萬卷手自校讐徵辟皆不
就隱于紫霞山中士友私謚貞白先生

危復之字見心撫州樂安人博覽群書好讀易尤攻
詩徵聘皆不就至元時隱于紫霞山私謚貞白先生
劉德淵字道濟襄國內丘人至元中私謚卓行先生
顧權字用衡崑山人博通群典遭時多艱隱居不仕
爲鄉校師門人私謚靖夷先生

杜瓊字用嘉吳縣人性至孝博綜古今徵召皆不就
學者稱東原先生私謚淵孝先生

婦人私謚

唐巢刺王乳媪陳善意私謚慈訓 初刺王之生也

太穆后惡其貌不舉善意私乳之後刺王好與奴客
諸妾被甲習戰因中創善意以爲言刺王怒命壯士
拉殺之而加謚

皇明私謚

蕭尚仁江西泰和人洪武中以賢良召卒門人私謚
貞固先生

卓敬浙江瑞安人革除中戶部侍郎嘗密奏裁抑宗
藩永樂中論死宣德中劉球作傳私謚忠貞

王賓字用賓鄞人洪武六年舉茂才以母老不赴後

以文學薦授休寧教諭秩滿考績廷試鍾山雨霽及
秦鶴兩賦上奇之命供奉翰林以老辭教授潯郡卒
門人私謚清節先生

劉履字坦之沛郡人後徙金華劉忠公漢弼玄孫洪
武中私謚貞恭先生

龔翊字大章崑山人年十七爲金川門卒靖難兵入
大慟還鄉里巡撫周忱薦爲崑山太倉學官辭不就
曰恐負城門一慟卒門人私謚安節先生

張璠字仲圭別號定菴華亭人起家山東黃縣訓導

後以子貴封都御史贈尚書有賢行學者私謚貞孝先生

秦旭景字暘父無錫人嘗讀論語至君子脩己以敬曰此萬金良藥也凡行已接物一以是爲準及卒友人李舜民等私謚貞靖先生

王稔義烏人禕之孫至孝有學門人私謚孝莊先生
盧觀字彥達崑山人謚忠有王行門人私謚夷孝

陸震字汝亨金華人正德中舉進士歷官兵部以諫南巡杖死贈太常少卿門人私謚忠定先生

何震字汝元華亭人以春秋教授生徒德行聞於督學使者應貢官教諭嘉靖中知府何繼之知縣朱執中立祠祀之私謚孝康先生

馮海華亭人性至孝母浦氏寢疾累月每夜叩斗求代母幸差而身以勞斃里人私謚苦孝先生

顏鯨字應雷別號冲宇慈谿人起家嘉靖丙辰進士累官行太僕寺卿休致日嘗講學於慈湖書院啟迪後進甚衆卒鄉人立懷德祠祀之私謚正道先生
王問字子裕別號仲山無錫人起家嘉靖戊戌進士

累官廣東按察司僉事乞終養遂不起退居湖上以詩文翰墨自娛四方學者爭事之教人以立身行己爲先忠孝爲本所著有仲山詩選祇役稿原筮齋集崇文稿若干卷門人私謚文靜先生

張緒字文倫別號甌山漢陽人以毛詩舉楚第二人累官南京吏部員外郎嘉靖末奉大行詔慟哭失聲一時姍以爲迂因棄官歸與大司徒天臺耿先生講學天窩山中迪誨後學輒至涕泣道之家四壁不問友人私謚介肅先生

婦人私謚

固縣林叅政允中女名萊許字長樂陳中丞肯子長源早卒林絕食死殉邦人私謚曰貞女

鄞縣楊孟惠女甫八歲許字介氏子未幾俞氏子卒請以仲繼楊氏父母許之女邑邑不樂比請婚期以死自誓父母不之強遂守一閣絕不與家人相通年六十四卒楊氏私謚爲守貞娘子

歷代婦人謚

魯顏無繇妻齊姜氏元文宗至順三年封杞國夫人

謚端憲

顏子妻宋戴氏至順三年封交國夫人謚貞素

大夫穆伯娶於莒謚戴曰戴已其姊謚聲爲聲已

大夫妻妾有謚始見此

晉大夫趙莊子娶公女謚莊姬

鄒孟子母元至順三年封聊國夫人謚宣獻

西漢上官安妻霍氏昭帝后母謚敬

王廼始妻博平君宣帝外祖母謚昭成

後漢鄧太后母新野君謚敬

晉文明皇太后母羊氏平陽君謚靖

景獻后母蔡氏濟陽縣君即邑女文姬謚穆

虞潭母孫氏權族孫女蘇峻之亂買所服環佩以充軍資又遣其子楚與王允之合勢討峻成帝賢之卒遣使弔祭謚定

桓溫母孔氏贈臨賀太夫人謚敬

賈充妻宜城君郭氏惠帝后母謚宣

陝婦人不知其氏殘居守節事叔姑甚謹叔姑女誣殺其母有司不能察戮之經歲不雨劉曜遣呼延謨

爲太守廉其寃斬誣者祭以大牢謚貞孝烈婦

南齊高帝外祖母胡氏永昌縣君謚靖

梁王僧辯母魏氏謚貞敬

追封吳郡嘉興縣君許氏陳高祖曩先之祖母敬帝
太平二年追謚敬

陳世祖文皇帝后母綏安縣君沈法深之妻天嘉初
追謚宣

給文牙母凌氏文帝永定三年贈常安國太夫人謚
恭初陳文帝避地臨安文牙母知非常人賓待甚

厚故加贈謚

北魏文成帝保母常氏尊爲皇太后謚昭

胡靈皇后母太上君皇甫氏謚孝穆

河間公元丕妻段氏靈太后時謚恭

任城康王元雲妃謚烈懿任成王澄遭太妃憂臣

寮爲立碑頌題碑欲云康王元妃之碑澄訪於張普

惠普惠荅曰謹尋朝典但有王妃而無元字魯夫人

孟子稱元妃者欲下與繼室聲子相對今烈懿太妃

作配先王更無聲子仲子之嫌竊謂不假元字以別

名位且以氏配姓愚以爲在生之稱故春秋夫人姜氏至自齊既葬以謚配姓故經書葬我小君文姜又曰來歸夫人成風之禭皆以謚配姓古者婦人從夫謚今烈懿太妃德冠一世故特蒙褒錫乃萬代之高事豈容於定名之重而不稱烈懿乎從之

高平公李順妻謚孝

盧元禮妻李氏性至孝父卒號慟幾絕者數四母卒馳驅奔喪號慟而卒謚貞孝女宗

北齊趙郡王高琛妃謚貞昭

陳元康後母李氏以元康卒哀感發病而終贈廣宗
郡君謚貞昭

隋馮寶妻燕國夫人洗氏盡忠貞於累朝仁壽初卒
謚誠敬

唐上官昭容母鄭氏謚節義夫人

高彥昭女姝姝德宗時謚愍

女七歲李紉屠其家母憐其幼請免死爲婢女
不肯問父所在西向哭再拜死

宋池州通判趙昂發妻雍氏與夫同死節謚順義夫

人

金同州婦師氏夫亡孝養舅姑舅姑既沒兄師達與姪規其財產偽爲媒聘致之官官不能辦師投縣署井中死明昌三年詔有司祭其墓謚節

監察御史李英妻張氏居濰州貞祐元年元兵取濰州謂張汝品官妻當復爲夫人張曰我爲李氏鬼耳遂殺之追封隴西郡夫人謚莊潔

許古妻劉氏定海軍節度仲洙之女貞祐初僑居蒲城元兵圍蒲時古仕於朝劉與二女相繼死追封爲

郡君謚貞潔長女謚定姜次女謚肅姜

相琪妻藥氏有姿色貞祐三年紅襖賊陷掖縣琪與藥及子俱爲賊所得賊殺此與子而誘藥氏藥氏奮罵賊怒殺之封西河縣君謚莊潔

王維翰妻姚氏與夫同死於定海軍贈芮國夫人謚貞潔

元買哥妻移刺氏買哥死氏哀毀亦死世祖特謚貞靜

閻文興妻王氏與夫同死於漳州至順三年謚貞烈

夫人

王時妻安氏磁州人名正同時以叅知政事分省太原安氏從之賊陷太原安與妾李氏同赴井死贈安氏梁國夫人謚莊潔

皇明婦人謚

故元太尉平章政事李思齊妾鄭氏洪武中追贈淑人謚貞烈

安陸侯吳復妾楊氏宣德中贈淑人謚貞烈

陝西指揮使王俶妾時氏贈淑人宣德中謚忠烈

倣方戰歿時年二十八自以身殉

衛聖保母尹氏宣德中謚惠靖

佑聖保母張氏正統中謚恭靖

輔聖夫人蘭氏天順中謚莊懿

輔聖夫人魏氏成化中謚恭和

佑聖夫人張氏成化中謚莊靖

崇聖夫人申氏弘治中謚榮和

保聖夫人孫氏嘉靖中謚榮和

五夫人俱保母

異代追謚

卷六
唐天寶二年追號德明皇帝

周上御大夫李敬老子之父天寶二年追號允天大
皇

比干貞觀十九年謚忠烈元至元二年追封仁顯忠
烈公

箕子元至元六年追封仁獻公

周文王武后謚爲文皇帝號始祖 妣妣氏謚文定
皇后

平王少子武武后推爲四十世祖謚爲康皇帝號虞

禮 妣姜氏謚康惠皇后

杜南字子美唐襄陽人官拾遺元至元二年追謚文貞

劉蕡唐昌平人元至正十七年追謚文節

朱松宋徽州婺源人朱子之父至正二十二年謚獻靖

鄧文進唐始興人官韶州刺史累立戰功廟食樂昌
皇朝賜謚忠襄

紀信漢滎澤侯 皇朝賜謚忠烈

譚必宋樂昌人官邕州推官贈金紫光祿大夫 皇
朝賜謚忠愍

文天祥廬陵人官少保封信國公 皇朝賜謚忠節
一謚忠烈

謝枋得信州人官江西招諭使知信州 皇朝賜謚
文節

謚法通考卷之十七終

說法通考卷之十八

雲間王 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳化

叅閱

宦者謚

前漢許廣漢昌邑人少時爲昌邑王郎從武帝上甘泉誤取他郎鞍以被其馬發覺下獄室後爲宦者丞宣帝以其女爲后封平恩侯薨謚戴

後漢浮陽侯孫程謚剛

北魏仇洛齊中山人本姓侯氏生而無陰舅氏仇高
養爲己子後入宮以平涼功超遷散騎常侍加中書
令進爵零陵公又拜侍中冀州刺史內都大官卒謚
康

趙默字文靜涼州隸戶涼州平入爲奄人恭謹小心
賜爵關內侯累官鎮南大將軍儀同三司定州刺史
進爵爲王後卒于冀州刺史追贈司空謚康

王据太原人恭恒中被刑入宮歷位冀州刺史爵高

平王卒年九十謚靖

張祐字安福安定人坐事充腐刑累官尚書左僕射
新平王卒贈司空謚恭

成執字共義上谷居庸人少以腐刑入宮後以光祿
大夫進爵爲侯卒于衛將軍贈雍州刺史謚孝惠

封津字醜漢北海蓆人以外祖連罪受刑給事宮掖
累官侍中大長秋卿開府儀同三司薨贈司徒冀州
刺史謚孝惠

張宗之字益宗河南鞏人初父孟舒爲宗文邕逼之

反文邕敗宗之被執充腐刑以忠厚謹慎擢爲侍御
中散累官至散騎常侍鎮東將軍冀州刺史爵彭城
郡侯太和二十年卒贈建節將軍懷州刺史謚敬
封磨奴字君明勃海蓇人以崔浩故刑爲宦者後卒
於懷州刺史贈勃海公謚定

秦松不知其所由宣武時領長秋卿出爲散騎常侍
安北將軍并州刺史爵高都子卒贈大將軍肆州刺
史謚定

唐楊復光閩人與忠武節度周岌定誓斬賊位開府

儀同三司同華制置使弘農郡公又賜號資忠輝武
匡國平難功臣謚忠肅

李輔國幼以閹人入侍肅宗擅權自恣代宗令人刺
殺之謚醜

張承業字繼元唐僖宗宦者朱溫篡唐承業以興復
望莊宗及莊宗即帝位非其心因不食卒同光元年
贈左武衛上將軍謚正憲

宋劉承規字大方楚州山陽人太宗時官檢校太傅
左驍衛上將軍安遠軍節度觀察留後卒贈左衛上

將軍鎮江軍節度使謚忠貞

藍繼宗字承祖廣州南海人年十二從劉鋹歸朝以景福殿使邕州觀察使歷事四朝家居卒仁宗贈安德軍節度使謚僖靖

張惟吉字祐之開封人仁宗時爲果州團練使領皇城司張貴妃薨治喪鳳儀殿宰相不能執禮深以爲非卒後贈保順軍節度使謚忠安

石全彬真定人仁宗時以破儂智高功累遷福建宮使提點奉先院卒贈太尉定武軍節度使謚恭僖

盧守勲字君錫開封祥符人仁宗時以左衛大將軍致仕卒贈保順軍節度使謚安恪

李憲字子範開封祥符人哲宗初年貶右千牛衛將軍分司南京卒紹聖中贈武泰軍節度使初謚敏恪後改忠敏

宋用臣字正卿開封人徽宗時爲永泰陵修奉鈐轄卒贈安化軍節度使謚僖敏

李舜舉字公輔開封人神宗時爲嘉州團練使卒贈昭信軍節度使謚忠敏

梁從吉字君祐開封人仕至永州團練使爲副都知
元祐中卒贈成德君節度使謚敏恪

馮世寧字靜之政和初以內客省使彰化軍器後致
仕卒贈開封儀同三司謚恭節

蘇利涉字公濟慶曆中以衛士之變衛護有勞累轉
海州團練使卒贈奉國節度使謚勤儉

康履爲康王府都監死于苗劉之變苗劉誅贈官謚
榮節

藍安石高宗時爲內侍省副都知至湖州觀察使卒

保寧軍節度使謚良恪

渡江後中官贈謚自安石始

康誦高宗時爲內侍省押班累官至均州觀察使卒
贈保信軍節度使謚忠定

釋家謚

梁寶誌金城人天監十三年終元天曆中累加謚號
道林真覺慧滅真覺慈應普濟禪師

元魏法果名僧也卒後太祖贈老壽將軍謚趙胡靈
公 此僧賜謚之始

菩提達磨南天竺國香至王第三子自西至中國止
嵩山傳教爲初祖卒于莊帝永安元年唐代宗追謚
圓覺大師

隋慧可武牢人姓姬氏爲禪家二祖文帝開皇中卒
唐德宗貞元十四年追謚太祖大師

僧燦爲禪家三祖煬帝大業中卒唐玄宗追謚鑑智
禪師

唐道信蘄州人姓司馬氏爲禪家四祖太宗時卒代
宗追謚大醫禪師

南山律師道宣乾封二年卒懿宗謚澄照

弘忍黃梅人爲禪家五祖卒于上元二年代宗追謚
大滿禪師

南宗慧能新州人爲禪家六祖卒于先天二年憲宗
追謚大鑿禪師

北宗神秀開封人姓李氏神龍中謚大通禪師

司空山本淨絳州人姓張氏上元中謚大曉禪師

三藏菩提流志南印土國王之子讓位出家卒年一
百五十有六玄宗賜謚曰開元一切徧知三藏

京兆府興善寺胡僧不空大曆十年賜開府儀同三司司空爵肅國公謚大辯正廣智三藏和尚
一行張公謹孫開元中卒謚大慧禪師

三藏金剛智西域人開元中謚灌頂國師

南陽慧忠諸暨人姓冉氏大曆中謚大證禪師
杭州徑山寺僧法欽貞元九年謚大覺禪師

南岳石頭希遷高安陳氏子德宗謚無際大師

號州閩鄉縣龍興寺阿足師宜貞元十二年謚大圓

禪師

江西馬道一漢州人元和中謚大寂禪師

洪州百丈山懷海長樂人姓王氏元和中謚大智禪師

杭州鹽官海昌院齊安海門人姓李氏謚悟空禪師
一宿覺瑞安人契曹溪六祖道賜謚無相大師

廬山歸宗寺智藏與懷海齊安同師謚至貞禪師
幽川盤山寶積亦與懷海齊安同師謚凝寂大師

京兆府章敬寺懷暉泉州謝氏子元和中謚大覺禪

師

京兆府興善寺惟寬衢州祝氏子元和中謚大徹禪師

信州鵞湖大義姓徐氏元和中謚慧覺禪師

處州西堂智藏處化廖氏子憲宗謚大宣教禪師穆宗重謚大覺禪師

汾陽無業禪師憲穆兩朝三召不起謚大達禪師

湖州東寺如會曲江人長慶中謚傳明大師

汾州無業上洛杜氏子長慶三年謚大覺禪師

鄧州丹霞天然長慶中卒寶曆中謚智通禪師

河中南際山僧乙長慶時謚本淨大師

澧州藥山惟儼絳州韓氏子文宗謚弘道大師

潤州岳林寺玄素文宗太和二年謚大律禪師

潭州道吾山圖智豫章海昏人姓張氏太和九年謚
脩一禪師

左街僧錄內供奉三教談論引駕大德安國寺上座
端甫秦人姓趙氏文宗開成元年賜謚大達法師
潭州雲巖巖晟建昌王氏子會昌中謚無住大師

終南山圭峰宗密果州西克人姓何氏會昌中謚定

慧禪師

洪州黃蘗山希運闍人大中時謚斷際禪師

潭州馮山靈祐長谿趙氏子大中七年謚大圓禪師

杭州徑山鑒宗湖州錢氏子咸通中謚無上大師

福州龜山正元宣州蔡氏子咸通中謚性空大師

福州龜山智具揚州人姓柳氏咸通中謚歸寂禪師

福州芙蓉山靈訓與鑒宗同法嗣謚弘照大師

嵩州德山宣鑒簡州周氏子咸通六年謚見性禪師

鎮州臨濟義玄南華縣邢氏子咸通八年謚慧照禪師

師

瑞州洞山良价會稽俞氏子咸通十年謚悟本禪師
福州長慶寺大安福州人姓陳氏中和時謚圓智禪
師

杭州大慈山寰中蒲坂人姓盧氏僖宗謚性空大師
吉州青原山淨居寺行思吉州劉氏子僖宗謚弘濟
禪師

潭州石霜山慶諸新淦陳氏子僖宗謚普惠大師
澧州夾山善會廣州廖氏子中和中謚傳明大師

邵武軍龍湖普聞僖宗太子謚貞覺大師

鄂州巖頭全齋泉州何氏子光啟三年謚清巖禪師

洪州上藍令超大順中謚元貞禪師

趙州觀音院從諗趙州郝鄉人姓郝氏乾寧中謚真
際大師

洪州雲居道膺玉田王氏子天復元年謚弘覺禪師

撫州曹山本寂莆田黃氏子天復中謚元證禪師

鄂州清平安樂院令遵東平人天祐中謚法喜禪師

福州覆船山洪荐石霜法嗣謚紹隆大師

河中府葛巖山木通院存壽石霜法嗣謚圓寂禪師
台州瑞巖師彥閩之許氏子齋禪師法嗣謚空照禪
師

鄧州香巖智閑青州人爲山法嗣謚襲燈禪師

瑞州九峯道虔福州人石霜法嗣謚大覺禪師

袁州仰山慧寂懷化葉氏子南岳下四世法嗣謚智

通禪師

襄州延慶山法端南岳下四世法嗣謚紹真禪師

五代舒州投子山大同舒州劉氏子梁乾化四年謚

慈濟大師

洛州韶山寰普謚無畏禪師

京師華嚴寺休靜唐莊宗謚寶智禪師

益州北院通禪師與休靜同爲青原下五世法嗣謚

證貞禪師

魏府興化存獎南岳下五世法嗣唐莊宗謚廣濟禪

師

五臺山三子寺廣法大師誠惠唐明宗謚爲法雨大

師

河中棲巖寺弘福院僧會鑿請其師謚明宗詔謚真寂

師失其名

京兆永安縣善靜京兆王氏子晉開運中謚靜悟禪師

袁州木平山善道謚貞寂禪師

金陵清涼縣文益餘杭李氏子周顯德五年謚大法眼禪師李後主再謚大智藏大法師

韶州如敏閩人廣主劉氏謚靈樹禪師

宋吉州禾山無巖福州吳氏子中謚法性禪師
韶州雲門山光奉院文偃嘉興吳氏子乾德七年卒
太宗謚大慈雲匡真弘明禪師 匡一作康

廬山圓通寺緣德臨安黃氏子太平興國二年謚道
濟禪師

南安巖尊者自巖姓陳氏泉州同安人淳化辛卯謚
定光圓應禪師

智圓法師錢塘徐氏子居西湖孤山乾興元年化徽
宗賜謚法惠大師

隆興府黃龍寺慧南信州章氏子熙寧時謚普覺禪師

隆興府黃龍寺相心南雄鄔氏子黃廷堅曾與之遊謚寶覺禪師

隆興府堯率寺從悅贛州熊氏子張商英嘗從之學元祐六年謚真寂禪師

越州天衣寺義懷樂清陳氏子青原下十世法嗣崇寧中謚振宗禪師

明州育王山佛智端裕吳越王裔紹興中謚大悟禪

師

真州長蘆真歇清了左紹英氏子紹興時謚悟空禪師

明州天童正覺隰州李氏子紹興時謚宏智禪師

成都路昭覺寺克勤佛果彭州駱氏子紹興五年謚真覺禪師

臨安府徑山寶印禪師嘉州李氏子紹熙中謚慈覺禪師

臨安府徑山宗杲大慧宣城奚氏子隆興中謚普覺

禪師

金海慧名僧也皇統五年特謚佛覺佑國大禪師
元慶壽海雲大士印簡山西寧遠人姓宋氏憲宗時
謚佛日圓明大師

杭州中峰和尚名明本杭州人文宗時賜謚智覺

道家謚

周老子楚人姓李名耳字伯陽謚聃唐高宗乾封元
年追號太上玄元皇帝玄宗天寶二年加號大聖祖
許慎云名耳字聃今作字伯陽非也

梁陶洪景秣陵人學道術武帝時卒賜謚貞白先生
唐潘師正居逍遙谷高宗幸東都召問所須對曰清
泉茂松臣所須也詔即其居作崇虛觀卒謚體玄先
生

明宗儼偃師人能召鬼神有神術後爲盜所刺高宗
贈侍中謚莊

王知遠系出瑯琊學道術高宗謚升真先生武后時
復改升玄

吳筠字貞節華陰人弟子謚宗玄先生

司馬承禎溫人有辟穀導引之術隱居桐栢山玄宗
贈銀青光祿大夫謚貞一先生

李含光好黃老道家術棄人間事崇虛脩真卒玄宗
賜謚玄靜

元張留孫字師漢貴溪人少時入龍虎山爲道士累
朝進封開府儀同三司加號輔成贊化保運玄教大
宗師至治元年卒天曆初追謚道祖神應真君

國朝致一真人禮部尚書贈少師邵元節龍虎山上
清宮道士貴溪人嘉靖年謚文康榮靖隆慶初追奉

秉一真人恭誠伯陶仲文湖廣黃岡人嘉靖年謚榮
康惠肅

仲文初以吏負爲遼海州庫大使邵元節且老
薦于世宗徒以符咒小方稱上意遂登極
品膺異典

按邵元節亦以真人官宗伯洎死賜謚內閣擬
二字者二御批俱用後仲文亦用邵例至隆慶
初俱追奪

夷狄謚

漢南粵王胡武帝時謚文

胡子次公謚明

莎車王賢元帝時謚忠武

建功懷德王康賢之子建武五年謚宣成

元魏道武時高車斛律部帥倍俟利謚忠壯

大陽蠻酋桓誕孝文時謚剛

誕玄之子也玄歿時年數歲流竄大陽蠻中及

長多智謀爲群蠻所歸遂爲蠻王

唐突厥頡利貞觀八年死贈歸義王謚荒

勃海國王祚榮開元七年死私謚高

祚榮子武藝謚武

武藝子欽茂謚文

欽茂少子嵩鄰謚康

欽茂孫華瑛謚成

嵩鄰子元瑜謚定

元瑜弟言藝謚僖

言藝弟明忠謚簡

明忠從父仁秀謚宣

南詔酋龍偽謚景莊皇帝

龍子法偽謚聖明文武皇帝

鄭買嗣唐鄭回之後昭宗光化五年滅蒙氏自立建國號曰大長和偽謚德桓皇帝

買嗣子旻偽謚肅文皇帝

段思平武威郡人初鄭氏奪於楊氏已楊氏又奪於段氏建國號曰大理偽謚太祖皇帝

思平子思英偽謚文經武畧皇帝

思英叔思良偽謚應道皇帝

高世厚方
卷之二
思良子素英偽謚昭明皇帝

素英弟素廉偽謚敬明皇帝

素隆後避位爲僧偽謚秉義皇帝

素貞偽謚聖德皇帝

思廉偽謚世宗皇帝

段氏之裔段正淳立十三年避位爲僧偽謚中宗皇帝

正淳子正嚴立四十年避位爲僧偽謚憲宗皇帝

正嚴子正與避位爲僧偽謚景宗皇帝

正興子智興偽謚宣宗皇帝

智興子智連偽謚享天皇帝

智連弟智祥偽謚神宗皇帝

智祥子智興偽謚孝義皇帝

初素貞傳素興國人廢興而立思廉思廉死復
爲楊義貞所篡段氏中絕有臣高智昇遣子昇
泰滅義貞而立段壽輝壽輝後避位爲僧國人
乃奉昇泰爲主改國號大中尋欲復續段氏後
故正淳得立段氏再興傳至七世興智始亡於

元

元金紫光祿大夫儀同三司安南國王陳益稷至順
元年謚忠懿

皇明賜夷狄謚

蘇祿國東王巴都葛叭答刺永樂年謚恭定

朝鮮國王李芳遠永樂年謚恭定

朝鮮國權署國事李暉永樂年謚恭靖

淳泥國王麻邪惹加那乃永樂年謚恭順

日本國王源道義永樂年謚恭獻

古麻刺朗國王幹刺義亦敦永樂中謚康靖
哇來頓本古麻刺國王永樂年謚康靖

朝鮮國王李旦永樂年謚康獻

朝鮮國王李珣景泰年謚恭順

朝鮮國王李桢景泰年謚莊憲

朝鮮世子李暉成化中封爲本國王謚懷簡

朝鮮國王李琛成化年謚惠莊

朝鮮國王李眺成化年謚襄悼

朝鮮國王李藝弘治年謚康靖

朝鮮國王李澤嘉靖年謚恭僖

朝鮮國王李皓嘉靖年謚榮靖

朝鮮國王李峘隆慶年謚恭憲

按國初高麗王王顯謚恭愍事在李旦之前

謚法通考卷之十八終